

Mostra

„Zeichnungen“ - Klaus Rungger

Lia Mostra d'Ert - Urtijëi

Verissage: n venderdì , ai 12. 08. 2022, dala 20:00

Intermezzo mujghel: Linda Rungger

Dureda dla mostra: 13. 08. 2022 – 28. 08. 2022

Orares de giaurida: lunesc - dumenia: 10:00 – 12:00 y 17:00 – 19:00

+ mierculdì, venderdì y sada: 20:00 – 22:00


Mostra Klaus Rungger

Na linia tlera y energica limea n cë, un a cajo, nia masculin o feminin, n ne recunësc deguni. Mé i organs prinsipei dl mus nes lascia pensé che l se trata de na persona a chëla che nëus pudon ti jì permez. Cèves de persones nchin al cunfin de si vester, nscila se prejënta l crië artistich atuel dl artista de Gherdëina Klaus Rungger.

Tl cë se cunzentrea duta la energia, l'esprescion y l'emozion dla persona. Muses tradësc nosc sentimënc y nosta cundizons menteles. L artist Klaus Rungger va a crì chësta carateristica sun l nivel plu aut. L ti garata te si stil che va ite tl sot dl vester, de cunzentré la persona sun n minimum ora de si identità zënza costanza. L usservadëur pudëssa tl prim mumënt sté ert a ti cialé, ma i lëures lascia pro na vista dl essenziel y dl'ana dla persona. La ne va nia dla rafigurazion dl corp nstës. Te si chedri udons na nverscion dl prinzip umanistich de udëi la persona, dl prinzip de udëi mé l bel y l pur. Klaus Rungger nes gëura l mond dl subconsciousce dla persona. Si debujën ie chël de mustré la realtà de na persona da dedite y rafiguré la psiche sciche n pruzes. Dal crië se lascel purté da si cundizion psichica, che ne ie nia cumandada da na ntenzion. Plucheauter iel n jì ite te sé nstësc. Nscila pudons liejer n si cheder coche la esprescion de na raprejentazion de n mumënt vivù ntensif dal artist, che muda danter stat dl'ana y nmaginazion.

Ora de chësc cumpurtamënt se svilupea musc da na esprescion scialdi sterscia, che se muev danter deformazion y desfigurazion. Scebën che la contura dl cë ie tlera, sen mucia la forma fisica dl cë te si ntëurvia. La rafigurazion tëurbla dl vester dl model ti dà a Kalus Rungger la ueia de crì inant na identità che se crëia for inò danuef.

Kostner Valentine



Lia Mostra d'Ert - Circolo

Plaza S. Antone 102

I - 39046 Urtijëi (BZ)

Tel. 377-5936350

info@circolol.eu